

Siunnersuummut nassuiaatit

Nassuiaatit nalinginnaasut

1. Aallarniut

Siunnersuutip saqqummiunneqartup Kalaallit Nunaata nunap immikkoortuinut kommuneqarfinnullu aggorneqarnera pillugu Inatsisartut inatsisaat 15 5. december 2008-imeersoq taarserpaa. Qaasuitsup Kommuniata kommuninut marlunnut avinnerata kinguneranik siunnersuut suliarineqarpoq.

1.1. Inatsisissatut siunnersuutip tunuliaqutaa

Aaqqissuusseqqinnerup kingunerisaanik kommunit kattussuutsinneqarmata 1. januar 2009-mi Kommune Kujalleq, Kommuneqarfik Sermersooq, Qeqqata Kommunia aamma Qaasuitsup Kommunia pilersinneqarput.

Qaasuitsulli Kommuniata Kommune Qeqertalik-mut aamma Avannaata kommunia-mut avinneqarnera politikkimik sulinermik aallaaveqarpoq najukkami oqartussaaqataanerup patajaallisarnissaa siunertaalluni kommunillu aqutsinera innuttaasunut qaninnerulersinniarlugu taama aalajangertoqarluni.

2014-imi tikkuussisumik Qaasuitsup Kommuniani innuttaasunik taasisitsisoqarmat amerlanerussuteqarluartut kommunip avinnissaanut isumaqataallutik taasipput.

Qaasuitsup Kommuniani kommunalbestyrelsip isumaqatigiissup 2016-imi Naalakkersuisunut inassuteqaatigaa kommuni marlunnut avinneqassasoq uku illoqarfigalugit Ilulissat, Uummannaq, Upernavik Qaanaarlu, aamma Aasiaat, Qasigianguit, Qeqertarsuaq kiisalu Kangaatsiaq.

Naalakkersuisut taassuma kingorna Qaasuitsup Kommuniata avinneqarnissaa pillugu Inatsisartut 2016-imi ukiakkut ataatsimiinneranni Inatsisartut inatsisissaannik siunnersuuteqarput Kommunini suliassaqarfiit aaqqissuuteqqinneqarnerata allanngortinneqarneranik Inatsisartut inatsisaanni nr. 30, 28. november 2016-imeersutut akuersissutigineqarluni.

Qaasuitsup Kommunia tamanna tunuliaqutaralugu 1. januar 2018 aallarnerfigalugu Kommune Qeqertalik-mut aamma Avannaata Kommunia-mut avinneqassaaq.

2. Siunnersuummi immikkoortut pingaarnerit

Nunap immikkoortui

Siunnersuummi Kalaallit Nunaata nunap immikkoortuinut kommuneqarfinnullu aggorneqarnera pillugu Inatsisartut inatsisaanni aalajangersakkat ingerlateqqinneqarput oqaatsit aalajangersimasut taakku atorneqartut isiginiarlugit.

Kommunit

Kalaallit Nunaat kommuninut 5-minut ima aggulunneqassaaq:

Kommune Kujalleq

Kommuneqarfik Sermersooq

Qeqqata Kommunia

Kommune Qeqertalik

Avannaata Kommunia

Kommuneqarfiit killingisa aalajangersarneqarnerat

Siunnersuutikkut kommunit 5-t killeqarfii pillugit inatsisitigut naqissuserneqarpoq, tassungalu ilaallutik kommunit nutaat marluk Kommune Qeqertalik aamma Avannaata Kommunia.

Aalajangersakkat immikkut ittut

Nuna Allangutsaaliugaq aamma Pituffik (Thule Air Base) kommunit aggorneqarnerinut ilaatinneqanngillat.

3. Pisortanut aningaasatigut allaffissornikkullu kingunerisassat

Siunnersuut pisortanut aningaasaqarnikkut allaffissornikkullu sunniuteqassanngilaq.

4. Inuussutissarsiortunut aningaasatigut allaffissornikkullu kingunerisassat

Siunnersuut aningaasaqarnikkut allaffissornikkullu inuussutissarsiortunut kinguneqartitsissanngilaq.

5. Avatangiisinut pinngortitamullu tunngatillugu kingunerisassat

Avatangiisinut pinngortitamullu siunnersuut kinguneqassanngilaq.

6. Innuttaasunut kingunerisassat

Nuna Allangutsaaliugaq aamma Pituffik kommunit aggorneqarnerinut ilaatinneqanngillat. Pituffik nunat tamalaat akornanni isumaqatigiissut peqqutigalugu ilaatinneqanngilaq Nunalu Allangutsaaliugaq Nunatsinnit oqartussaaffigineqartutut isigineqarpoq taamaalillunilu ilaatinneqarani. Pinngortitamut Avatangiisinullu Naalackersuisoqarfiup Nuna Allangutsaaliugaq aqutsivigaa innuttaasullu qinnuteqarniartut, apeqquteqarniartut, ilisimatusarnermut akuersissummik piniartut il.il. maannga saaffiginnittassapput.

7. Kingunerisassat pingaaruteqartut allat

Siunnersuut pingaarutilinnut allanut kinguneqartitsissanngilaq.

8. Oqartussaasunit suliniaqatigiiffinnillu tusarniaaneq

Inatsisissatut siunnersuut piffissami 10. maj 2017-imiit 15. juni 2017-imut ukununnga tusarniaassutigineqarpoq:

Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq, Kanukoka, Kanunupe, Aningaasaqarnermut- Sulisoqarnermullu Aqutsisoqarfik, BDO, Deloitte, Sulisitsisut (GE), SIK, AK, PIP, DJØF, IMAK, Naalackersuisut Siulittaasuata Naalackersuisoqarfia, Pinngortitamut Avatangiisinullu Naalackersuisoqarfik, Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalackersuisoqarfik, Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfik, Aalisarnermut Piniarnermullu Naalackersuisoqarfik, Aningaasaqarnermut Akileraartarnermullu Naalackersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik, Peqqissutsimut Naalackersuisoqarfik, Namminiilivinnermut, Nunanut Allanut Nunalerinermullu Naalackersuisoqarfik aammalu Aatsitassanut Naalackersuisoqarfik

Tusarniaaffigineqarsimasuni tusarniaanermut akissuteqarput uku:

Kanukoka, Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalackersuisoqarfik, Ilinniartitaanermut, Kultureqarnermut,

Ilisimatusarnermut Ilageeqarnermullu Naalakkersuisoqarfik, Aatsitassanut
Naalakkersuisoqarfik aamma Aalisarnermut Piniarnermullu Naalakkersuisoqarfik.

Tusarniaanermut akissutit tassunngalu Kommunitut, Nunaqarfinnut, Isorliunerusunut
Attaveqaqatigiinnermut Ineqarnermullu Naalakkersuisoqarfiup oqaaseqaatai tusarniaanermut
allakkiami ilanngunneqarput.

Inatsisissatut siunnersuummi aalajangersakkanut ataasiakkaanut nassuiaatit

§ 1-imut

Siunnersuummi Kalaallit Nunaat nunanut immikkoortunut aggorneqarneranut Inatsisartut inatsisaani aalajangersagaasimasunik ingerlatitseqqinneruvoq, tassami Avannaarsua, Kitaa Tunulu pillugit taaguutit inatsisini assigiinngitsuni sulii atorneqarmata. Taamaammat aalajangersakkamut tassunga tunngatillugu nunap immikkoortuinut killingi sulii pisariaqartinneqarput.

§ 2-imut

Kalaallit Nunaata kommuninut tallimanut aggorneqarnera pillugu Kommunini suliiassaqaarfiit aaqqissuuteqqinneqarnerat pillugu inatsisitigut aalajangersarneqarpoq kingornatigullu Kommunini suliiassaqaarfiit aaqqissuuteqqinneqarnerata allanngortinneqartumi.

§ 3-imut

Kommune Qeqertalik aamma Avannaata Kommunია killingi siornatigut Qasigiannugit Kommuniata, Aasiaat Kommuniata Qeqertarsuullu Kommuniata killingi malippai aappaatalu Ilulissat Kommuniata killigisimasaa 1. januar 2009-imi atorunnaarsinneqartut malillugit.

§ 4-imut

Immamut killingi tunngaviusumik killeqarfittut killilerneqarput. Tunngaviusumik killeqarfiit United Nations Bulletin no. 56, Law of Sea Imavinni Pisinnaatitaaffiit pillugit Isumaqatigiissut naapertorlugu atuupput.

§ 5-imut

4. Kommunit aggorneqarnerisa avataaniittut tassaapput:

1) Pituffik (Thule Air Base) Kalaallit Nunaata illersorneqarnissaa pillugu Angerfigeqatigiissut 27. april 1951-imeersoq (Traktat) naapertorlugu.

2) Tunup Avannaani Nuna Allannngutsaaliugaq killeqarfii Kalaallit Nunaanni pinngortitamik allannngutsaaliuineq pillugu Inatsisartut inatsisaata allannguutaa pillugu Inatsisartut inatsisaat allanneratut Kalaallit Nunaata avannaarsuani kangianilu Nuna Allannngutsaaliugassat Immikkoortitaq pillugu Namminersornerullutik Oqartussat nalunaarutaanut naleqqiullugu. Nuna Allannngutsaaliugaq Nunatsinnit oqartussaaffigineqartutut isigineqarpoq, taamaammallu

kommunit aqunneqarsinnaanani aamma taamaattumik maanna killeqarfinnut maanna inatsiseqartitsinermi ilaatinneqarani.

§ 6-imut

Naalackersuisut pisuni ataasiakkaani killingit pillugit najoqqutassanik erseqqinnerusunik aalajangersaasinnaapput, matunani Aatsitassanut inatsit malillugu akuersissutigineqarsimasut pillugit killeqarfiliinermut tunngasut ilanngullugit.

§ 7-imut

Aalajangersakkakut maanna aaqqiissutaasoq attatiinneqarneqarpoq.

§ 8-mut

Siunnersuut 1. januar 2018-imi atuutilersussatut naatsorsuutigineqarpoq.